

304 Dô sprach er: »bistûz, Gawan?
wie kranken prîs ich des hân,
ob dû mirz wol erbiutes hie.
ich hôte von dir sprechen ie,
5 dû erbiutez allen liuten wol.
dîn dienst ich doch enpfâhen sol
niwan ûf gegendienstes gelt.
Nû sage mir, wes sint diu gezelt,
der dort ist manez ûf geslagen?
10 lît Artus dâ, sô muoz ich klagen,
daz ich in niht mit êren mîn
mac gesehen noch die kûnegîn.
ich sol rechen ê ein bliuwen,
dâ von ich sît mit riuwen
15 vuor, von solhen sachen:
ein werdiu magt mir lachen
bôt; die blou der scheneschalt
durch mich, daz von ir reis der walt.«
»unsanfte ist daz gerochen«,
20 Sprach Gawan. »im ist zerbrochen
der zeswe arm unt daz winster bein.
rît her, schouwe ors unt ouch den stein.
hie ligent ouch trunzûne ûf dem snê
dînes spers, nâch dem dû vrâgetest ê.«
25 Dô Parzival die wârheit sach,
dô vrâgeter vûrbaz unt sprach:
»diz lâze ich an dich, Gawan,
op daz sî der selbe man,
der mir hât laster vor gezilt,
30 sô rît ich mit dir, swar dû wilt.«

vil kr. brîs (cranker prise *U*) **G* (**T*)
mîrs **T* (*ohne U*)
dir daz sp. **T*
erbiutest (bittest *G* erbiestst *O*) ez **G* (*U*)
doch *om.* **T* (*nur T*) *L*
n. ûf (vf gein *Z*) dienstes g. (widergelt *I*). **G* (*U*)
sint jene (dise *U* *V*) g., **T*
der maniez ist d. (manges dort ist *L* dort maniez ist *Z*) **G* (*U* *V*) der m. lît d. **T*

in mit den ê. (augen *I*) **G* in n. mit den ê. ([*]; mit eren *V*) **T*
niht mac **G* · g. unde (vnde ovch *O* [*Z*]) die (*om.* *U*) **T* (*O* *Z*)
ê rechen **T* (*L*)
dar umbe ich (Daz ich *O*) **G* (**T*)
v., mit sôlhen s.: **T* (*nur T*)
maget ir l. **G* **T*
mir bôt; die sluoc ([slûc]: flûc *U*) der (sîn **T* [*]: sin *V*) seneschalt **G* (**T*)
ir swâret der (ir der)swaret der(*G* ir der *I*) w.« **G* (*ohne OLZ*)
↓**G* **T*

unde sîn w. (linke *V*) **T* (*nur T*)
rîtet (Rît *O*) her, schouwet des (daz *V* *om.* *O*) ors unde den st. **T* (*O*) · ouch *om.* **G*
ou. die (dru *U*) trunzûn **T*
des sp., n. dem ir vrâgetet ê.« **T*

↓**G* **T*
»daz (Ditze *O* [*Z*]) l. **G* (*ohne L*)

**D*: *D* **m*: *m* **G*: *G I O L Z* **T*: *T U V*

1 Initiale *D m L Z T U V* 8 Majuskel *D T* 11 Initiale *O* 19 Majuskel *T* 20 Majuskel *D* 25 Initiale *I* · Capitulumzeichen *L* · Majuskel *D T*

1 Der Waleis sprach: »dû bist ([*D**]): Der waleis sprach bist du *V*) Gawan. **m* (*V*) 2 wie] vil **m* 3 ob dû mir es schöne biutest hie. **m* 5 erbiutez] enbiutest **m* 8 gezelt] zelt **m*
19 »unsanfte (ershal vnsanfte *I*) daz ist gerochen«, **G* (*ohne OLZ*) · »Ungevuoge ist daz gerochen (zû broch *U*)«, **T* 24 dû] *om.* *D* 26 dô dâhter (fragt er *Z*) mêr unde sprach: **G*
· dô gedâhter mêr (gedacht me *U* [*]: frageter fûrbas *V*) unde sprach: **T*